

# JEKH ŠAVORO maj but šiba



# GRATULATSIA

Čiro šavoro si jekh anda milionura šavora khaj barol  
opre ande familji khaj vorbin maj but šiba.

## VORBIN THAJ DŽILABE PE ČIRI "HJILESKI ŠIB" ČIRE BEATOSA

- So maj feder vorbij pe e dejaki šib so maj feder birij pe te sičol pe jekh kaver šib.
- So maj but šunel pe thaj vorbij pe jekh šib so maj zuralo kerdžol pe ande kodi šib.
- Ando khelipe kavere šavorentsura rajvel e šavoresko khetanipe thaj jekhipe ande šib. Anda kodo si mišto te dikhel pe kaveren ande sa kodol berš khaj vorbin sa kodi šib.

## ŠIBAKO SIČARIPE LEL PE SIGO

- Aba sar beato ando pher sičol o šavoro te pindžarel a dejaki šib. Eksperimentura sikaven ke štare džesenge šavora alon a dejaki šib, khaj jekh kaver džuvli vorbij, angla kaver šiba khaj sa kodi džuvli vorbij.
- Sa ljumake šibake hangura si andre ande beatoski šib, feri o šavoro ašavela feri kodo hango khaj e manuš krujal hasnin.
- Aba kana si 10 šonesko "vorbij" o šavoro gengij ande monologura ande rytmo khaj šundžol sar e šib khaj e kaver hasnin paša o šavoro.

## SAR KERDŽON ŠAVORA MAJ BUTE ŠIBANGO?

- Ke e šveditsko šib avla o maj dominovano šib čire šavoreske pa leske amala thaj škola si važno te inkrel o šavoro a familjaki šib ande diferentne buča.
- Vorbin maj dur čiri dejaki šib vi te si kade ke o šavoro del tut atveto pe šveditsko šib. De zor ande čiro šavoro te hasnij tumari jekhutni šib.
- Sikav e šavoreske ke san barimango anda čiri šib, vi te na vorbin kaver kodi šib.
- Te si kade ke či tu vaj čiro partneri vorbin šveditska si atunči važno te dikhen sel duj pozitivno te sičol pe o šavoro šveditsko šib. Te si tumen diferentne šiba važno si te den pačiv ande jekh kavereski šib.

## MAJ BUTE ŠIBENGO VAZDIPE

- Šavora khaj baron opre kusa maj but šiba len te vorbin tela sa kodi vrama sar kodol khaj vorbin jekh šib.
- Jekh bute šibengo vazdipe džal sa kade angle ando principo sar kodol šavora khaj vazden pe opre ande jekh šib.

- Bute šibenge šavora šičon sigo te dikhen diferento pe peske šiba thaj kodo kerel ke von kerdžon maj sigo džangle pa šiba sar kodol khaj vorbin jekh šib.
- Šavoreske diferentne šiba inkrena pengi dominatsia tela diferentne vrami ande šavoresko trajo.

**Te biris te vorbis jekh šib si sa kodo sar te inkres tut ande jekh envajormento.**

**Te si o envajarmento bute šibengo trobuj o šavoro te hasnij peske šiba.**

**Ačaripe thaj te ačarel pe o šavoro trobusardo maškar manuš khaj kamen les si jekh fundamento pe savo vaj save šiba o šavoro sičol.**

Maj lašo drom čire šavoreske te sičol čiri šib si khatar loš thaj voja. Zumav anda kodo te vazdes opre o intereso a šibake kana džilabes, kheles tu thaj kana phenes paramiči. Thaj kana och šavoro si maj phuro – ginaven khetanes! **Ande biblioteka si šavorenge kevnj pe diferentne šiba.**

### **KANČI ČI BIRIJ TE PARUVEL KODO KHAJ VORBIN TUME KHETANES PE E JEKHUTNI ŠIB**

Maj lašo drom te sičol pe te vorbij pe – sajek vaj si kodo jekh vaj maj but šiba – si o khetanipe tusa vaj kaveresa khaj si važno kodoleske. Feri kanči či birij te paruvel kodo khaj vorbin tume khetanes pe jekhutni šib!

### **KANA SI TE LEL PE KONTAKTO KUSA JEKH LOGOPEDA?**

- Te ghindos ke čire šavoresko sičaripe ande šib žal maj lokhes sar e pralorenge thaj kaverenge ande šavoreske berš ande sa kasavi situatsia thaj vrama.
- Te phirdas čiro šavoro ande jekh šveditsko šibako envajramento (tsini škola, dagmamma) tela jekh thaj dopaš ži khaj duj berš thaj či vorbij jekh ”sako džesesko šib” khaj si džukardo lestar.

Atunči si te boldes tu khaj čiri BVC-bolnitsaki phen vaj logopeda.



Språknätet si jekh koperatsia maškar BVC, biblioteki,  
Öppen förskola thaj logopedia ande Uppsala län.